

**Sud Bosne i Hercegovine**
Суд Босне и Херцеговине

Broj: S1 3 IŽ 039468 21 IŽ
Sarajevo, 12.01.2021. godine

Sud Bosne i Hercegovine u Sarajevu, u apelacionom vijeću sastavljenom od sudija Srete Crnjaka predsjednika vijeća, Vesne Trifunović i Dinke Bešlagić Čovrk članova vijeća, odlučujući o žalbi političkog subjekta Prva mostarska partija sa sjedištem u Mostaru ulica Maršala Tita broj 104 koju zastupa predsjednik Semir Drljević, izjavljenoj protiv Odluke Centralne izborne komisije Bosne i Hercegovine, broj: 05-1-07-5-62/21 od 08.01.2021. godine donesene u postupku odluke o prigovoru na tačnost objavljenih rezultata Lokalnih izbora u Gradu Mostaru, na nejavnoj sjednici održanoj dana 12.01.2021. godine, donio je

R J E Š E N J E

Žalba se uvažava, poništava se odluka Centralne izborne komisije broj: 05-1-07-5-62/21 od 08.01.2021. godine i predmet vraća Centranjoj izbornoj komisiji BiH, na ponovni postupak i donošenja odluke.

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, odbijen je kao neosnovan zahtjev za ponovno brojanje glasačkih listića na biračkom mjestu 155A019 u izbornoj jedinici Stari Grad – 155.

Protiv navedene odluke politički subjekt, Prva mostarska partija, blagovremeno je izjavila žalbu te je predložio da se ista usvoji, pobijana rješenja ponište kao nezakonito. U obrazloženju žalbe navodeno je da je žalilac podnio prigovor na tačnost objavljenih rezultata Lokalnih izbora u Gradu Mostaru koji je Centralna izborna komisija BiH samostalno cijenila kao zahtjev za ponovno brojanje glasačkih listića, što prigovor nije bio. Prigovor se odnosio na tačnost utvrđenih i objavljenih rezultata Lokalnih izbora u Gradu Mostaru na biračkom mjestu Brankovac 5 (155A019) na kome je za žalioca upisan rezultat od 22 glasa, a prema evidenciji njihovog posmatrača rezultat je iznosio 23 glasa. Nadalje, za Koaliciju za Mostar objavljen je rezultat od 266 glasova umjesto 263 glasa koliko je zvanično prebrojano i upisano u Obrazac zbirnih rezultata za ovo biračko mjesto. Politički subjekt Koalicija za Mostar diktira količnike za izračunavanje mandata što utiče na rezultate izbora i moguće kršenje izbornog prava na štetu žalioca.

U odgovoru na žalbu Centralna izborna komisija Bosne i Hercegovine je predložila da se žalba odbije ističući da je na biračkom mjestu 155A019 utvrđeno neslaganje broja osvojenih glasova i broja glasova unesenih u Aplikaciju, ne samo za žalitelja nego za više političkih subjekata. Stoga je, u interesu zaštite izbornog prava donesena naredba broj 05-1-07-11-48-2/21 od 11.01.2021. godine kojom je naloženo ponovno brojanje glasačkih listića i utvrđivanje rezultata izbora za navedeno biračko mjesto. Ukazuje na tačnost navoda žalbe da su za objavljenim rezultatima unesena za žalitelja 22 glasa, a za Kolaciju za Mostar 266 glasova dok je u Obrascu za zbirne rezultate za žalitelja upisan 23 glas, a za drugonavedeni politički subjekt 263 glasa. Pri tome za politički subjekt Platforma za progres objavljen je rezultata od 22 glasa dok je u Obrascu za zbirne rezultate upisao 14 glasove.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da je žalba osnovana iz sljedećih razloga:

Iz stanja spisa proizilazi da je žalitelj Centralnoj izornoj komisiji BiH podnio prigovor na objavljene rezultate Lokalnih izbora u gradu Mostaru u kome je ukazao na tačnost utvrđenih i objavljenih rezultata na biračkom mjestu Brankovac 5 (155A019) na kome je za podnosioca prigovora upisano 22 glasa, a prema evidenciji posmatrača osvojena su 23 glasa. U prilogu prigovora dostavljeni su Obrazac za zbirne rezultate za Skupštinu opštine, te utvrđeni i objavljeni rezultati za nevedeno biračko mjesto.

Prigovor na tačnost objavljenih rezultata Lokalnih izbora u gradu Mostaru na biračkom mjestu Brankovac 5 (155A019) Centralna izborna komisija BiH cijenila je kao zahtjev za ponovno borijanje glasačkih listića na navedenom biračkom mjestu. Takav zahtjev odbila je kao neosnovan rješenjem broj: 05-1-07-5-62/21 od 08.01.2021. godine navodeći da nije priložena dokemnacija koja ukazuje na nepravilnosti koje opravdavaju ponovno brojanje glasačkih listića, te da su i tačni navodi iz zahtjeva ne bi imali uticaja na izborne rezultate.

Ovo vijeće smatra da prihvatanje izjavljenog prigovora na tačnost objavljenih rezultata Loklanih izbora u gradu Mostaru kao zahtjev za ponovno brojanje na glasačkom mjestu za koje je prigovor izjavljen, ne mijenja suštinu zaštite prava popisanih izbornim Zakonom (Sl. glasnik BiH 23/01 sa izmjenama). Naime, ukoliko se utvrdi da je prigovor na objavljene rezultate osnovan to bi nužno imalo za posljedicu ponovno brojanje glasačkih listića. Stoga prihvatanje prigovora kao zahtjeva za ponovno brojanje glasačkih listića žalitelju omogućeno pravo propisano članom 5.30 stav 1 Izbrnog zakona kao krajnji rezultat u zaštiti izbornih prava u ovoj fazi izbornog procesa.

Suprotno zaključcima iz osporavanog rješenja ovo vjeće je zaključilo da iz stanja spisa proizilazi da zahtjev žalitelja ispunjava uslove propisane u članu 5.30 stav 4 tačka 1, 2, 4 i 5 budući da je podnesen u pismenoj formi, potpisan od predsjednika političkog subjekta, ukazuje na nesaglasnosti između objavljenih podataka i evidentiranih u zbirnim obrascu i njihov utica na izborne rezultate, podnesen je blagobvremeno i ovlaštenom organu. U prilogu žalitelj je dostavio utvrđene i objavljene rezultate, kao i Obrazac za zbirne rezultate iz kojih jasno proizilazi nesaglasnost između ostvarenog i objavljenog broja glasova ne samo za žalitelja, nego i za još dva politička subjekta. Proizilazi da je zaključak u

osporavanom rješenju o neargumentovanosti i subjektivnosti navoda žalitelja, ne proizilazi iz stanja predmeta spisa.

Član 19.5 Izbornog zakona propisuje da se dodjela mandata za opštinsko vijeće grada Mostara vrši prema formuli propisanoj u članu 9.5, dakle prema količniku koji se utvrđuje prema broju ukupno važećih glasova koje je politička stranka osvojila. Za biračko mjesto Brankovac 5 (155A019) sporan je izborni rezultat, ne samo za žalitelja nego za još dvije političke partije, a koju činjenicu potvrđuje naredba Centralne izborne komisije BiH broj 05-1-07-11-48-2/21 od 11.01.2021. godine kojom je naloženo ponovno brojanje glasačkih listića na navedenom biračkom mjestu. Donošenje naredbe nesumnjivo potvrđuje da je ponovno brojanje od uticaja na izborni rezultat i ako je Centralna izborna komisija BiH predhodno izvela suprotan zaključak u ožalbenom rješenju.

Saznanja o osnovanosti zahtjeva za ponovno brojanje glasačkih listića na navedenom glasačkom mjestu CiH BiH mogao je steći iz priloga prigovora koji nesumnjivo ukazuje na postojanje razloga koji su i bili osnov za donošenje naredbe o ponovnom prebrojavanju glasačkih listića. Nadalje, ožalbeno rješenje nije pravilno utvrdilo činjenično stanje iz dokaza u prilogu prigovora, što je imalo za posljedicu da se navodi prigovora o uticaju na izborni rezultat cijene samo u odnosu na pogrešna utvrđenja o broju glasova koje je osvojio žalitelj, a ne i u odnosu na druge političke subjekte i pored činjenice da svi osvojeni glasovi utiču na dodjelu mandata prema propisanim količnicima.

Proizilazi da razlozi na kojima se zasniva ožalbena odluka nisu u saglasnosti sa činjenicama koje proizilaze iz stanja spisa, niti utvrđeno činjenično stanje u odluci upućuju na onakvo rješenje uprave stvari, pa je time obrazloženje odluka sačinjeno protivno odredbi člana 200 stav 12 Zakona o upravnom postupku (Sl. glasnik BiH br. 29/02 sa izmjenama). Navedeno je razlozi zbog kojih je valjalo žalbu uvažiti kao osnovanu i pobijanu odluku CIK-a BiH poništiti i predmet vratiti na ponovni postupak i donošenje odluke.

U ponovnom postupku CIK BiH će izvršiti ocjenu svih provedenih dokaza, pojedinačno i u međusobnoj povezanosti, te tek nakon cjelokupne analize utvrditi pravilno i potpuno činjenično stanje i na osnovu tako utvrđenog činjeničnog stanja ponovno odlučiti da li zahtjev žalitelja za ponovno brojanje glasačkih listića ispunjava uslove propisane članom 5.30 stav 4 Izbornog zakona.

S obzirom na navedeno, odlučeno je kao u izreci, primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“, broj 19/02 do 74/10).

**PREDSJEDNIK VIJEĆA
SUDIJA
Sreto Crnjak**